

COMHAR

LEABHAIRCOMHAR | COMHARÓG | COMHARTAIGHDE

PORTRAIDÍ NA SCRÍBHNEOIRÍ GAEILGE

47 SRÁID HARRINGTON, BAILE ÁTHA CLIATH 8

Guthán: +353 - 1 - 6751922

Ríomhphost: iriscomhar@gmail.com; leabhaircomhar@gmail.com; portraidí@gmail.com. [Idirlíon: www.iriscomhar.com](http://www.iriscomhar.com);
www.leabhaircomhar.com; www.portraidí.ie

Cathaoirleach: [Cathal Goan](#) Feidhmeannach Riaracháin agus Gnó: [Elly Shaw](#)
Stiúrtóirí: [Cormac Breathnach](#), [Kevin de Barra](#), [An Dr Liam Mac Amhlaigh](#), [Órla Ní Chuilleanáin](#),
[Muireann Ní Mhóráin](#), [Paula Ní Shlatarra](#), [Uaitéar Ó Ciaruáin](#), [An Dr Gréagóir Ó Dúill](#), [Fiachra Ó Marcaigh](#)

COMHARTAIGHDE

www.comhartaighde.com; comhartaighde@gmail.com

Eagarthóirí: [An tOllamh Máirín Nic Eoin](#), [An Dr Liam Mac Amhlaigh](#), [An Dr Máirtín Coilféir](#)

Comhairleoir teicniúil: [Ronan Doherty](#)

PREASRÁITEAS: 7 DEIREADH FÓMHAIR 2016

Is mór le COMHAR a fhógairt go bhfuil an dara heagrán den iris nua phiarmheasta acadúil, COMHARTaighde, á fhoilsiú inniu. Cuirfidh Dónall Ó Braonáin, Príomhfheidhmeannach, Acadamh na hOllscolaíochta Gaeilge, an iris i láthair an phobail ar a 4:30pm inniu i bhforhalla Áras na Gaeilge in Ollscoil na hÉireann, Gaillimh.

Tréimhseachán bliantúil is ea COMHARTaighde a chuireann saothar scolártha ardchaighdeáin ar fáil do phobal na Gaeilge ar fud an domhain i réimsí éagsúla de léann na Nua-Ghaeilge. D'fhonn freastal ar an bpobal is leithne, tá an iris á foilsiú ar bhonn saor-rochtana trí mheán an idirlín. Fóram nua piarmheasta atá á sholáthar aici do thaighdeoirí agus tá an togra ag eascairt as traidisiún fada na hirise míosúla *Comhar* mar láthair smaointeoireachta agus as bunfhealsúnacht na hirise agus na heagraíochta maidir le scaipeadh thorthaí an léinn ar an bpobal is leithne. D'fhonn na caighdeáin idirnáisiúnta is airde a bhaint amach, tá an tionscadal á chur i gcrích i gcomhpháirt le foireann scoláirí as institiúidí éagsúla léinn in Éirinn agus thar lear. Sa dara heagrán, tá sraith alt taighde agus léirmheasanna ar leabhair nuafhoilsithe acadúla. I measc na scríbhneoirí san eagrán seo tá: Síobhra Aiken, Pádraig de Paor, Ríona Ní Churtáin,

Caitlín Nic Íomhair, Síle Ní Mhurchú, Hugh Rowland, agus foireann scoláirí ó réimse an Oideachais (Gabrielle Nig Ghuidhir, Seán Ó Cathalláin agus Pádraig Ó Duibhir). Ar na hábhair a dtugtar aghaidh orthu, tá: léann na lámhscríbhinní, an fhoilsitheoireacht agus an chritic i dtréimhse na hAthbheochana, an t-aistriúchán liteartha, an nuafhilíocht, gluaiseacht na Gaeilge agus beartas teanga an stáit sna 1960idí, agus an Gaeloideachas. Tá léirmheasanna ó Mhichael Cronin, Pádraig Ó Liatháin, Michelle O Riordan agus Diarmuid Ó Sé ann chomh maith, a chuimsíonn réimse ábhar ón aistriúchán i litríocht na nÓg chuig saothar litríochta agus stair na teanga.

Tá COMHARTaighde anois ag glacadh le hailt scolártha don tríú heagrán (a fhoilseofar i Meán Fómhair 2017). Más mian leat tuilleadh eolais faoin iris nó treoirínte scríbhneoireachta a fháil, féach ar an suíomh idirlín ag www.comhartaighde.com nó seol ríomhphost chuig comhartaighde@gmail.com. Is é an spriocdháta d'ailt don tríú heagrán ná **1 Feabhra 2017**.

Nótaí ar an réiteach teicniúil: Tá sé mar aidhm ag COMHARTaighde leas fóinteach a bhaint as an nuatheicneolaíocht chun taighde i léann na Nua-Ghaeilge a chur i láthair an phobail. Is féidir gach alt a fhoilsítear sa ríomhiris (i) a léamh ar líne, mar leathanach gréasáin; nó (ii) a íoslódáil i bhformáid PDF. Is féidir ailt ar an suíomh gréasáin a léamh ar chineálacha éagsúla gléasanna, idir ríomhairí deisce agus ghléasanna móibíleacha, agus is féidir leas a bhaint as saoráidí éagsúla cuardaigh agus brabhsála. Táthar in ann gluaiseacht go réidh idir na tagairtí i gcorp gach ailt agus an leabharliosta ach clíceáil ar an tagairt féin. Déantar tagairtí do logainmneacha Éireannacha a nascadh le hiontrálacha i [mBunachar Logainmneacha na hÉireann \(logainm.ie\)](http://mBunachar Logainmneacha na hÉireann (logainm.ie)). Déantar tagairtí do dhuine ar bith a bhfuil iontráil aige sa [Bhunachar Náisiúnta Beathaisnéisí Gaeilge \(ainm.ie\)](http://Bhunachar Náisiúnta Beathaisnéisí Gaeilge (ainm.ie)) a nascadh leis an suíomh sin chomh maith. Is féidir gach alt a íoslódáil i bhformáid PDF freisin. Bíonn sé seo áisiúil i gcás gur mian le duine alt a phriontáil agus a léamh nó i gcás nuair nach bhfuil ceangal idirlín ar fáil. Tá COMHARTaighde liostaithe anois sa Directory of Open Access Journals, an t-eolaire is údarasaí de thréimhseacháin phiarmheasta acadúla ar fud an domhain. Is é COMHARTaighde an chéad fhoilseachán Gaeilge a bhain áit sa DOAJ amach agus is mór an teist ar pholasaí piarmheastóireachta agus ar pholasaí saor-rochtana na hirise é. Tá na hailt ar fad a foilsíodh ar an gcéad eagrán le feiceáil anois san eolaire agus fáil ag leabharlanna agus ag bunachair acadúla eile air. Cuirfear na hailt ar fad a fhoilseofar feasta ar an iris sa DOAJ freisin. Beidh teacht níos éasca ar COMHARTaighde ar fud na cruinne dá réir. Is féidir tuilleadh a léamh faoin DOAJ ag <https://doaj.org/about>.

Cúlra

Príomhfhoilsitheoir náisiúnta na Gaeilge é COMHAR Teo., a fhoilsíonn iris mhíostúil na Gaeilge, *Comhar*, iris do léitheoirí iar-bhunscoile, COMHARÓg, cartlann dhigiteach de phortráidí de bheoscríbhneoirí na Gaeilge, www.portraidi.ie, agus leabhair éagsúla faoin inphrionta *LeabhairCOMHAR*, agus tograí eile foilsitheoireachta idir lámha i saol na Gaeilge. Tá COMHAR buíoch de Fhoras na Gaeilge, de Chlár na Leabhar Gaeilge, den Chomhairle um Oideachas Gaeltachta agus Gaelscolaíochta agus den Chomhairle Ealaíon as a dtacaíocht leanúnach do na tograí seo. Is le cabhair deontais i gcomhair tograí Gaeilge a d'íoc an tÚdarás um Ard-Oideachas trí Choláiste na hOllscoile, Corcaigh a fhoilsítear an ríomhiris seo.



Tuilleadh eolais: Elly Shaw, COMHAR Teo: (01) 675 1922, iriscomhar@gmail.com